










端公勅命

奉

天承運

皇帝詔曰朕正官以熙庶績而
兵者民衛所關爾御史端
公楊暉發身世蔭禦侮有




方宵小肆虐一朝掃平是
用慙此崇階錫以寵命汝
宜益勵乃心克懋厥職庶
朝野嘉賴汝譽永終
欽哉

制誥

乾寧四年戊午歲桂月念二日

之寶





彥貞公勅命


奉

天承運

皇帝制曰敷化宣猷臣子殫在

公之誼褒功崇德

朝廷宏待下之恩爾嚴州知



府楊彥貞舉自茂才循良
素著既有異績錫命宜加
特明階中憲大夫以爲再
榮尙其益勵忠勤
欽哉

勅命

大明宣德元年丙午二月初七

之寶






文貞公勅命


勅少傅兵部尚書兼華蓋殿大學士楊士奇往者國家肇建兩京政務方殷朕膺監國之

命卿以翰林親臣兼職春坊留



侍左右贊助庶務敷答章
奏籌畫之際適中爲難朕
恒以爲慮尙賴卿一二臣
僚同心合德徇國忘身屢
厯艱虞曾不易志及朕嗣
位以來嘉謨嘉猷入告於

內期于予治以惠黎元正
固無貳簡在朕心茲以己
意創製楊文貞寶印一枚
賜卿用藏於家傳之後世
惟卿子孫由是知卿克致
顯榮不易惟艱思保守之



惟朕子孫亦由是知卿弼
朕之功以保全爾子孫與
國咸休永世無斁詩曰無
言不酬無德不報又曰靡
不有初鮮克有終尙克交
修以成明良之譽故勅

勅命

大明洪熙元年乙巳四月十五

之寶



